

**Uputstvo za popunjavanje Zahtjeva za
subvencioniranje doprinosa za obavezna osiguranja
Obrazac - ZSD**

Zahtjev za subvencioniranje doprinosa za obavezna osiguranja shodno članu 4. Zakona o ublažavanju negativnih ekonomskih posljedica ("Službene novine Federacije BiH", broj 28/20) porezni obveznici podnose na Obrascu - ZSD. Obveznici uplate doprinosa koji podnose ovaj Obrazac ZSD pripadaju jednoj od sljedećih kategorija:

- a) Koji su obveznici fiskalizacije (čl.4.st.4.) – odnosi se na obveznike shodno odredbama člana 4. Zakona o fiskalnim sistemima („Sl. novine F BiH“, broj: 81/09).
- b) Koji nisu obveznici fiskalizacije (čl.4.st.5.) – odnosi se na obveznike shodno odredbama člana 5. Zakona o fiskalnim sistemima („Sl. novine F BiH“, broj: 81/09).
- c) Koji su u kategoriji obveznika koji porez na dohodak plaćaju u paušalnom iznosu i niskoakumulativnih djelatnosti (čl.4.st.6.) – shodno članu 6. stav (1) tačka 10. Zakona o doprinosima („Sl. novine F BiH“, broj: 35/98, 54/00, 16/01, 37/01, 1/02, 17/06, 14/08, 91/15, 104/16, 34/18 i 99/19) propisane su niskoakumulativne djelatnosti (rudnici uglja, tekstilna, kožna i industrija obuće).

Obrazac ZSD (u daljem tekstu Obrazac) sadrži pet dijelova i prva četiri dijela popunjava podnosilac zahtjeva kako sljede:

U polja/kvadrata „Porezni period“ podnosilac zahtjeva upisuje kalendarski mjesec za koji se podnosi zahtjev. Za mjesec april u prazna polja podnosilac će upisati 04., za mjesec maj 05 itd.

Dio I - PODACI O PODNOSIOCU ZAHTJEVA

U prvi dio Obrasca podnosilac upisuje podatke koji su navedeni u sljedećoj tabeli:

R/B	Obveznik	Podaci	R/B	Obveznik	Podaci
1.	JIB		5.	Ulica i broj	
2.	Naziv poreznog obveznika		6.	Šifra i naziv djelatnosti	
3.	Kanton		7.	Telefon i e-mail	
4.	Općina (naziv i šifra)		8.	Osnovica za obračun doprinosa (za samostalnog poduzetnika)	

- U polje 1. upisati JIB poslovnog subjekta koji podnosi zahtjev za subvenciju.
- U polje 2. upisati naziv poreznog obveznika prema JIB-u iz polja 1.
- U polje 3. upisati naziv kantona prema sjedištu poreznog obveznika.
- U polje 4. upisati naziv općine i trocifrenu šifru općine prema sjedištu poreznog obveznika.
- U polje 5. upisati adresu (ulicu i broj) poreznog obveznika prema sjedištu.
- U polje 6. upisati šifru osnovne registrovane djelatnosti i tekstualno upisati naziv djelatnosti (po KD BiH 2010) prema sjedištu poreznog obveznika.
- U polje 7. upisati kontakt telefon i e-mail poreznog obveznika.
- U polje 8. unijeti odgovarajuću osnovicu za obračun doprinosa samostalnih poduzetnika prema obavljanju djelatnosti i to: za slobodna zanimanja 1.560,00 KM; za samostalnu djelatnost obrta i srodne djelatnosti 922,00 KM; samostalna djelatnost obrta i srodne djelatnosti (paušal) 780,00 KM; za samostalnu djelatnost u poljoprivredi i šumarstvu 411,00 KM; niskoakumulativne djelatnosti tradicionalnih esnafskih zanata 355,00 KM; samostalna djelatnost u poljoprivredi i šumarstvu (paušal) 355,00 KM; samostalna djelatnost taxi prijevoza 355,00 KM; samostalna djelatnost trgovca pojedinca 411,00 KM; a ovisno od toga koju djelatnost podnosilac zahtjeva obavlja.

Nakon što popuni polja od 1 do 8 podnosilac zahtjeva se treba izjasniti da li mu je odlukom kriznog štaba bilo zabranjeno ili nije bilo zabranjeno obavljanje poslovne djelatnosti. Izjašnjenje se vrši na način što će podnosilac zahtjeva u praznom kvadratu polja "Da" unijeti oznaku x i period zabrane, a ako nije bilo zabrane označit će kvadrat „Ne“.

Obvezniku uplate doprinosa zabranjeno obavljanje djelatnosti na osnovu naredbe Federalnog štaba civilne zaštite, Ne Da od _____ do _____.

Dio II - DOKAZI O ISPUNJENJU USLOVA I ZAHTJEVANA SREDSTVA ZA SUBVENCIONIRANJE

U drugi dio Obrasca podnosilac zahtjeva upisuje podatke kojim dokazuje ispunjenje uslova za ostvarivanje subvencije i to: (1) izjašnjenje da je izmirio obaveze po osnovu doprinosa i poreza na dohodak uz isplaćene plaće zaključno sa februarom 2020. godine i (2) podatke da ima pad prometa/prihoda 20 % i više, i (3) podatke o zaposlenim za koje traži subvenciju.

(1) Uplata doprinosa i poreza na dohodak zaključno sa mjesecom februarom 2020. godine

Uplatu doprinosa i poreza na dohodak zaključno sa mjesecom februarom 2020. godine, podnosilac zahtjeva na Obrascu iskazuje izjavom tako što će ukoliko je izvršio uplatu doprinosa i poreza na dohodak zaključno sa mjesecom februarom 2020. godine u praznom kvadratu polja "Da" unijeti oznaku „ x“, a ukoliko nije izvršio uplatu u praznom kvadratu polja "Ne" unijeti oznaku „ x“.

Svi podnosioci zahtjeva dužni su popuniti naprijed navedene kvadrate, a dokaz su Poreznoj upravi predati mjesečni obrasci obračuna doprinosa i poreza (obraci MIP-1023 i/ili 2002/2002-A) zaključno sa mjesecom februarom 2020 godine.

(2) Podaci o ostvarenom prometu fiskalnih uređaja ili ostvarenom prihodu

Podaci o ostvarenom prometu fiskalnih uređaja ili ostvarenom prihodu, podnosioci zahtjeva dostavljaju na osnovu evidentiranog prometa sa fiskalnih uređaja ili prikazanih prihoda u poslovnim knjigama, a podnosioci zahtjeva koji porez na dohodak plaćaju u paušalnom iznosu i ne vode poslovne knjige, podatke o prihodu će upisati na osnovu svoje procjene/izjave.

Pod prometom fiskalnog uređaja za obveznika uplate doprinosa podrazumijeva se promet sa svih fiskalnih sistema na području Federacije BiH koji su fiskalizovani za tog obveznika uplate doprinosa te predstavljaju evidentirani promet umanjen za reklamirani promet.

Podaci o prometu ili prihodu se upisuju u kolonama od rednog broja 9a. do rednog broja 9g*. a kako je to prikazano na sljedećem tabelarnom pregledu:

9a.Promet FU <input type="checkbox"/> <input type="checkbox"/> /2019. godina	9b.Promet FU <input type="checkbox"/> <input type="checkbox"/> /2020. godina	9c. Procenat pada prometa FU	9d.Prihod PK <input type="checkbox"/> <input type="checkbox"/> /2019. Godina	9e. Prihod PK <input type="checkbox"/> <input type="checkbox"/> /2020. godina	9f. Procenat pada prihoda PK	9g.* Prosječno ostvoreni mjesečni promet FU/prihod PK
(01)	(02)	$((02)-(01))/(01)$ *100 = (03)	(04)	(05)	$((05)-(04))/(04)$ *100 = (06)	(07)

- Obveznici uplate doprinosa koji su obveznici fiskalizacije i imaju uporedive podatke o prometu sa fiskalnih uređaja za iste mjesece 2019. i 2020. godine popunjavaju kolone (01), (02) i (03).
- Obveznici uplate doprinosa koji nisu obveznici fiskalizacije popunjavaju kolone (04), (05) i (06) na osnovu prihoda prikazanog u poslovnim knjigama koji su ostvarili za iste mjesece 2019. i 2020.godine.
- Obveznici uplate doprinosa koji su obveznici fiskalizacije i nemaju uporedive podatke o prometu sa fiskalnih uređaja za iste mjesece 2019. i 2020. godine popunjavaju kolone (07), (02) i (03). U konkretnom slučaju se kolona (03) popunjava prema formuli $((02)-(07))/(07)*100 = (03)$. Navedenim su obuhvaćeni obveznici koji nisu bili registrovani ili nisu obavljali djelatnost i zbog toga ne mogu imati promet u mjesecu 2019. godine, koji se koristi za upoređivanje.
- Obveznici uplate doprinosa koji nisu obveznici fiskalizacije popunjavaju kolone (07), (05) i (06) na osnovu prihoda prikazanog u poslovnim knjigama koji su ostvarili za iste mjesece 2019. i 2020. godine. U konkretnom slučaju se kolona (06) popunjava prema formuli $((05)-(07))/(07)*100 = (06)$. Navedenim su obuhvaćeni obveznici koji nisu bili registrovani ili nisu obavljali djelatnost i zbog toga ne mogu imati prihod u mjesecu 2019. godine koji se koristi za upoređivanje. Primjera radi obveznik uplate doprinosa koji je počeo sa radom u julu 2019 godine, a podnosi zahtjev za subveciju za april 2020 godine, utvrdiće prosječan promet/prihod u 2019. godini za mjesece u kojim je radio i ovaj prosjek (07) će porediti sa prihodom mjeseca za koji traži subvenciju.
- Obveznici uplate doprinosa koji su fiskalizovani, a registrovani su u januaru i/ili februaru 2020. godine i nemaju uporedive podatke o prometu sa fiskalnih uređaja za iste mjesece 2019. i 2020. godine popunjavaju kolone (07), (02) i (03). U konkretnom slučaju se kolona (03) popunjava prema formuli $((02)-(07))/(07)*100=(03)$. Navedenim su obuhvaćeni obveznici koji su registrovani u mjesecima januaru i/ili februaru 2020. godine.

- Obveznici uplate doprinosa koji nisu fiskalizovani a registrovani su u januaru i/ili februaru 2020. godine i nemaju uporedive podatke o prihodu za iste mjeseci 2019. i 2020. godine popunjavaju kolone (07), (05) i (06). U konkretnom slučaju se kolona (06) popunjava prema formuli $((05)-(07))/(07)*100=(06)$. Navedenim su obuhvaćeni obveznici koji su registrovani u mjesecima januaru i/ili februaru 2020. godine.
- Obveznici uplate doprinosa koji porez na dohodak plaćaju u paušalnom iznosu i ne vode poslovne knjige, podatke o prihodu će upisati u kolone (04), (05) i (06) na osnovu svoje procjene/izjave ili svoje evidencije.

Obveznici koji su fiskalizovani, podatke o prometu za JIB na koji se podnosi zahtjev (Kolona 01) za subvenciju plaćanja doprinosa, sabiraju promet svih fiskalnih uređaja koji su instalirani u Federaciji BiH sjedištu obveznika i u poslovnim jedinicama obveznika i dostavljaju jedan iznos prometa po obvezniku.

- **Kolona (01)** Navesti ukupno ostvareni promet na fiskalnom uređaju u istom mjesecu 2019. godine.
- **Kolona (02)** Navesti ukupno ostvareni promet na fiskalnom uređaju u istom mjesecu 2020. godine.
- **Kolona (03)** Procenat pada prometa za mjesec u 2020. godini u odnosu na isti mjesec u 2019. godini računa se prema formuli $((02)-(01))/(01)*100=(03)$. Obveznik uplate doprinosa ima pravo na subvencioniranje doprinosa ukoliko u mjesecu za koji se vrši obračun plaće ima pad ostvarenog prometa 20% i više u odnosu na ostvareni promet u istom mjesecu 2019. godine. Navedeno se odnosi na obveznike uplate doprinosa ukoliko su podaci za iste mjeseci u dvije godine uporedivi. Ukoliko podaci nisu uporedivi onda obveznik ne popunjava kolonu (01) nego kolonu (07).
- **Kolona (04)** Navesti ukupno ostvareni prihod u istom mjesecu 2019. godine.
- **Kolona (05)** Navesti ukupno ostvareni prihod u istom mjesecu 2020. godine.
- **Kolona (06)** Procenat pada prihoda za mjesec u 2020. godini u odnosu na isti mjesec u 2019. godini računa se prema formuli $((05)-(04))/(04)*100=(06)$. Obveznik uplate doprinosa ima pravo na subvencioniranje doprinosa ukoliko u mjesecu za koji se vrši obračun plaće ima pad ostvarenog prihoda 20% i više u odnosu na ostvareni prihod u istom mjesecu 2019. godine. Navedeno se odnosi na obveznike uplate doprinosa ukoliko su podaci za iste mjeseci u dvije godine uporedivi. Ukoliko podaci nisu uporedivi onda obveznik ne popunjava kolonu (04) nego kolonu (07).
- **Kolona (07)** Popunjavaju obveznici uplate doprinosa koji nisu bili registrovani i zbog toga ne mogu imati promet sa fiskalnog uređaja ili prihod u mjesecu 2019. godine, koji se koristi za upoređivanje. Ova kolona se popunjava i u slučajevima sezonskog obavljanja djelatnosti jer im promet/prihod nije mjesečno uporediv. Za utvrđivanje pada prometa/prihoda za obveznike koji su registrovani nakon aprila 2019. godine do kraja 2019. godine (zaključno sa 31.12.2019. godine), uzima se prosjek prometa/prihoda ostvarenog u 2019. godini. Za utvrđivanje pada prometa/prihoda za obveznike koji su registrovani u prva dva mjeseca 2020. godine (zaključno sa 29.02.2020. godine), uzima se prosjek prometa/prihoda za prva dva mjeseca 2020. godine.

Obveznici uplate doprinosa koji su registrovani nakon 01.03.2020. godine nemaju pravo na subvenciju doprinosa.

(3) Podaci o zaposlenim

Podaci o zaposlenim za koje se podnosi zahtjev za subvenciju upisuju se u sljedeću tabelu:

R/B	Podaci o zaposlenim/uposlenim		Iznos subvencije po zaposlenom (02)	Ukupan iznos subvencije doprinosa (03=01x02)	Iznos doprinosa koji nije subvencioniran (04)	Ukupan iznos doprinosa na 2002/2002-A i MIP-1023 (05=03+04)
	Opis	Broj (01)				
10.	Sa punim brojem radnih sati					
11.	Sa punim brojem radnih sati (niskoakumulativni)					
12.	Sa manjim brojem sati od punog fonda					
13.	Sa manjim brojem sati od punog fonda (niskoakum.)					
14.	Koji nemaju pravo na subvenciju		0,00 KM	0,00 KM		
15.	Broj samostalnih poduzetnika (vlasnika)					
Ukupno:						

Kolona (01)

- **R/B 10.** - Broj zaposlenih sa punim brojem radnih sati podrazumijeva broj zaposlenika koji su ostvarili puni mjesečni fond radnih sati kod obveznika uplate doprinosa za mjesec za koji se traži subvencija.
- **R/B 11.** - Broj zaposlenih sa punim brojem radnih sati podrazumijeva broj zaposlenika koji su ostvarili puni mjesečni fond radnih sati kod obveznika uplate doprinosa za mjesec za koji se traži subvencija za obveznike uplate doprinosa u niskoakumulativnim djelatnostima.
- **R/B 12.** - Broj zaposlenih sa manjim brojem sati od punog fonda podrazumijeva sve zaposlene koji su imali manji broj sati od punog fonda radnih sati kod obveznika uplate doprinosa za mjesec za koji se traži subvencija.
- **R/B 13.** - Broj zaposlenih sa manjim brojem sati od punog fonda podrazumijeva sve zaposlene koji su imali manji broj sati od punog fonda radnih sati kod obveznika uplate doprinosa za mjesec za koji se traži subvencija za obveznike uplate doprinosa u niskoakumulativnim djelatnostima.
- **R/B 14.** - Broj zaposlenih koji nemaju pravo na subvenciju odnosi se na zaposlenike koji na Obrascu MIP- 1023 imaju vrste isplata 11, 12 i 13 (11 – uplata doprinosa za PIO Federalnom zavodu PIO/MIO za zaposlenike koji nesamostalnu djelatnost obavljaju na teritoriji Brčko distrikta, 12 – uplata doprinosa za zdravstveno osiguranje i doprinosa za osiguranje od nezaposlenosti za rezidente Federacije BiH koji nesamostalnu djelatnost obavljaju na teritoriji Republike Srpske gdje se nalazi i sjedište poslodavca / isplatioca, 13 – uplata doprinosa za PIO, doprinosa za zdravstveno osiguranje i doprinosa za osiguranje od nezaposlenosti za zaposlenike - rezidente Federacije BiH koji nesamostalnu djelatnost obavljaju na teritoriji Brčko distrikta gdje se nalazi i sjedište poslodavca – isplatioca)
- **R/B 15.** - Broj samostalnih poduzetnika (vlasnika) - odnosi se na broj vlasnika djelatnosti odnosno na jedno lice ili na više lica ukoliko se radi o zajedničkoj djelatnosti.

Kolona (02)

- **R/B 10.** – Iznos subvencije po zaposleniku sa punim brojem radnih sati iznosi **244,85 KM**.
- **R/B 11.** – Iznos subvencije po zaposleniku sa punim brojem radnih sati iznosi **170,57 KM** za obveznike uplate doprinosa koji pripadaju kategoriji niskoakumulativnih djelatnosti (za propisane osnovice za obračun doprinosa koje su manje od najniže bruto plaće propisane članom 6. stav 10 i članom 20a. Zakona o doprinosima).
- **R/B 12.** - Iznos subvencije izračunava se srazmjerno broju ostvarenih radnih sati u odnosu na ukupan broj radnih sati (Broj ostvarenih radnih sati / Ukupan broj radnih sati u mjesecu x 244,85). Npr. za broj radnih sati u mjesecu od 176 h i ostvareni broj radnih sati 80h iznos subvencije je: 111,30 KM. Ukoliko obveznik ima više od jednog zaposlenog sa nepunim radnim vremenom onda će u ovo polje upisati prosječan iznos subvencije sa nepunim fondom radnih sati. Npr. ako jedan zaposlenik ima ostvareni fond sati od 120 h, a drugi 40 h, onda će njihov prosjek radnih sati biti 80 h i iznos subvencije 222,60 KM (pojedinačno prvi zaposlenik 166,95 KM, a drugi zaposlenik 55,65 KM).
- **R/B 13.** - Iznos subvencije za zaposlenike izračunava se srazmjerno broju ostvarenih radnih sati u odnosu na ukupan broj radnih sati (Broj ostvarenih radnih sati / Ukupan broj radnih sati u mjesecu x 170,57) za obveznike uplate doprinosa koji pripadaju kategoriji niskoakumulativnih djelatnosti (za propisane osnovice za obračun doprinosa koje su manje od najniže bruto plaće propisane članom 6. stav 10 i članom 20a. Zakona o doprinosima). Npr. za broj radnih sati u mjesecu od 176 h i ostvareni broj radnih sati 80 h iznos subvencije je: 77,52 KM. Ukoliko obveznik ima više od jednog zaposlenog sa nepunim radnim vremenom onda će u ovo polje upisati prosječan iznos subvencije sa nepunim fondom radnih sati. Npr. ako jedan zaposlenik ima ostvareni fond sati od 120 h, a drugi 40 h, onda će njihov prosjek radnih sati biti 80 h i iznos subvencije 155,04 KM (pojedinačno prvi zaposlenik 116,28 KM, a drugi zaposlenik 38,76 KM).
- **R/B 14.** - Iznos subvencije je uvijek 0,00KM
- **R/B 15.** - Iznos subvencije za jednog vlasnika djelatnosti iznosi:
 - **244,85 KM** - za slobodna zanimanja, za samostalnu djelatnost obrta i srodne djelatnosti i samostalne djelatnosti obrta i srodne djelatnosti (paušal),
 - **170,57 KM** - za samostalnu djelatnost u poljoprivredi i šumarstvu, samostalna djelatnost trgovca pojedinca,
 - **147,33 KM** - za niskoakumulativne djelatnosti tradicionalnih esnafskih zanata, za samostalnu djelatnost u poljoprivredi i šumarstvu i za samostalnu djelatnost taxi prijevoza.

Kolona (03)

- **R/B 10.** - Izračunava se prema formuli $03 = (01 \times 02)$ odnosno (broj zaposlenika x 244,85 KM)
- **R/B 11.** - Izračunava se prema formuli $03 = (01 \times 02)$ odnosno (broj zaposlenika x 170,57 KM)
- **R/B 12.** - Izračunava se prema formuli $03 = (01 \times 02)$ odnosno (broj zaposlenih sa manjim brojem sati od punog fonda x iznos srazmjerno broju sati ostvarenih na radu)

- **R/B 13.** - Izračunava se prema formuli $03 = (01 \times 02)$ odnosno (broj zaposlenih sa manjim brojem sati od punog fonda x iznos srazmjerno broju sati ostvarenih na radu) za obveznike uplate doprinosa koji pripadaju kategoriji niskoakumulativnih djelatnosti (za propisane osnovice za obračun doprinosa koje su manje od najniže bruto plaće propisane članom 6. stav 10 i članom 20a. Zakona o doprinosima).
- **R/B 14.** - Upisuje se 0,00 KM (nula)
- **R/B 15.** - Izračunava se prema formuli $03 = (01 \times 02)$ - odnosno upisuje se ukupan iznos obaveza prikazan na svim obrascima 2002/2002-A.

Kolona (04)

- **R/B 10.** - Upisuje se ukupan iznos obaveza prikazan na MIP-1023 umanjen za iznos subvencije.
- **R/B 11.** - Upisuje se ukupan iznos obaveza prikazan na MIP-1023 umanjen za iznos subvencije.
- **R/B 12.** - Upisuje se ukupan iznos obaveza prikazan na MIP-1023 umanjen za iznos subvencije.
- **R/B 13.** - Upisuje se ukupan iznos obaveza prikazan na MIP-1023 umanjen za iznos subvencije.
- **R/B 14.** - Upisuje se ukupan iznos obaveza prikazan na MIP-1023
- **R/B 15.** - Upisuje se ukupan iznos obaveza prikazan na 2002/2002-A umanjen za iznos subvencije.

Kolona (05)

Za sve navedene kategorije iznos se dobija kao zbir prethodno popunjenih Kolona (03) i Kolona (04) odnosno ukupan iznos obaveza po obrascima MIP-1023 i 2002/2002-A tj. konačan iznos obaveze po obvezniku uplate doprinosa.

III - DOKUMENTACIJA KOJA SE PRILAŽE UZ ZAHTJEV

16.	<input type="checkbox"/> MIP-1023 <input type="checkbox"/> Specifikacija 2001 <input type="checkbox"/> Specifikacija 2001-A <input type="checkbox"/> Specifikacija 2002 <input type="checkbox"/> Specifikacija 2002-A Za eksterne korisnike nPIS aplikacije potrebno je popuniti navedene kvadrate, a obrasce podnijeti elektronskim putem.
17.	Dodatni dokumenti uz zahtjev: <input type="checkbox"/> Finansijske kartice prihoda ako nema FU <input type="checkbox"/> Kopija stranica poslovnih knjiga ako nema FU

- **R/B 16.** Označiti obrasce koji se dostavljaju u prilogu zahtjeva ili elektronski podnose od strane eksternih korisnika nPIS aplikacije.
- **R/B 17.** Dodatni dokumenti uz zahtjev predstavljaju finansijske kartice prihoda ako obveznik nema fiskalni uređaj (FU) ili kopiju stranica poslovnih knjiga ako nemaju fiskalni uređaj (FU) tj. sve eventualne dokumente koje podnosi obveznik uplate doprinosa u svrhu dokazivanja naprijed navedenih činjenica npr. fakture, druge evidencije kojima raspolaže obveznik i sl. za mjesec za koji se traži subvencija.

IV – IZJAVA

Pod punom moralnom, materijalnom i krivičnom odgovornošću izjavljujem:

4) Da sam isplatio plaću za mjesec za koji je podnesen zahtjev za subvencioniranje doprinosa obaveznog osiguranja. Da Ne
Obveznici uplate doprinosa, bez obzira na navedenu izjavu, za ostvarivanje prava na subvenciju dužni su podnijeti obrasce na stvarne obaveze za mjesec za koji se traži subvencija, a označene u dijelu III ovoga zahtjeva pod tačkom 16. u skladu sa članom 4. stavom 8. Zakona.

V - POPUNJAVA POREZNA UPRAVA

Obrazac zaprimljen: poštom <input type="checkbox"/> , e-mailom <input type="checkbox"/> , neposredno u ispostavi <input type="checkbox"/> , fax-om <input type="checkbox"/> Datum prijema zahtjeva: _____ 2020. g
Porezna uprava Federacije BiH _____ Postupak proveo: _____
Kantonalni porezni ured _____
Porezna ispostava _____ Potpis: _____

Za obveznike uplate doprinosa koji dostave zahtjev – Obrazac ZSD e-mailom ili fax-om u periodu proglašenja stanja nesreće u FBiH, dužni su u roku od 15 dana naknadno dostaviti originalni zahtjev za subvenciju - Obrazac ZSD.

Napomena: Iznosi sa decimalnim zarezom su zaokruživani na dvije decimale, sa sljedećim pravilom:

- Ukoliko je vrijednost treće decimale broja manja od 5, tada vrijednost druge decimale broja ostaje nepromijenjena. Na primjer: 5,124 = 5,12
- Ukoliko je vrijednost treće decimale broja veća ili jednaka od 5, tada decimalni broj zaokružujemo na vrijednost veću za 1 od vrijednosti druge decimale broja. Na primjer: 5,125 = 5,13 ili 5,126 = 5,13

Broj: 13/01-02-1-750-1/20
Sarajevo, 15.05.2020. godine



M.P.

V.D. DIREKTOR

Mr.sci. Šerif Isović